

Bondia. Ha'u haksolok hamutuk ho imi iha loron ida ne'e hodi loke hikas Klínika Saúde Sidara ne'ebé foin hadi'a iha Suco Hera. Ha'u hakarak agradese Ministériu Saúde, Forsa Enjeñaria Estados Unidos, Mariña Estados Unidos nian, no Forsa Defeza Australianu ba sira nia kolaborasaun iha esforsu ida ne'e.

Ho serbisu hamutuk, ita halo ona reparasaun nesesária ba klínika ne'e: sobu uma-kakuluk tuan, hadi'a tiha abastesimentu bee no kanu drenajem; no konstrui bloku instalasaun prinsipál foun ida. Melloria-sira ne'e hotu sei diretamente hadi'ak liu tan klínika nia kapasidade hodi serbi membru comunidade lokál-sira.

Klínika ne'e hanesan ida husi projetu barak ne'ebé kompleta ona durante HARI'I HAMUTUK 2017. Ezersísiu anuál ida ne'e entre forsa-sira Estados Unidos, Australianu, Japonés no F-FDTL representa amizade metin entre ita-nia nasaun-sira. Klínika ne'e, hanesan mós ho projetu-sira seluk iha Metinaro no Baucau, hatudu mós ami-nia apoiu forte ba dezvoltamentu kapasidade enjeñaria F-FDTL nian. Ami espera hodi desenvolve tan projetu-sira hanesan ne'e iha futuro, ne'ebé benefisia tantu povu Timorense no mós Amerikanu.

Parabéns ba ami-nia parseiru –sira no belun-sira hotu. Obrigadu barak.